

# An Curaclam Athbhreithnithe

Cén dóigh a ndéanfaidh muid measúnú ar do pháiste agus é a thuirsciú duit

Faisnéis do Thuistí IarBhunscoile 2008/09



Department of

**Education**

[www.deni.gov.uk](http://www.deni.gov.uk)

AN ROINN

**Oideachais**

MÁNNYSTRIE O

**Lear**



INVESTOR IN PEOPLE

A thuiste, a chara,

Leagann an bhileog seo amach duit an dóigh a rachaidh an curaclam athbhreithnithe i bhfeidhm ar an oideachas

atá do pháiste ag fáil. Bhí seans agam cuairt a thabhairt ar chuid mhaith scoileanna agus bhí mé ábalta a fheiceáil an dóigh a bhfuil sé ag tabhairt níos mó solúbhtachta do mhúinteoirí chun riar ar riachtanais oideachasúla ár bpaistí uile.

Tá an domhan thart orainn ag athrú go gasta. Caithfidh muid bheith cinnte de go bhfuil ár gcóras oideachais in ann cuidiú lenár n-aos óg na scileanna rithabhachtacha a bheidh de dhíth orthu amach anseo a fhorbairt. Scileanna a chuideoidh leo teicneolaíochtaí nua a úsáid, cumarsáid mhaith a dhéanamh agus bheith ag obair mar bhall d'fhoireann, chomh maith lena leibhéil litearthachta agus uimhearthachta a fhorbairt i gcónaí.

Tá na gnéithe uile riachtanacha a bheidh de dhíth ar do pháiste lena n-ullmhú don iarbhunscolaíocht taobh istigh den churaclam athbhreithnithe agus tá mé muiníneach go dtabharfaidh ár bPríomhoidí agus ár múinteoirí tosaíocht i gcónaí do leas ár bpaistí uile.

Is Mise Le Meas



**Caitríona Ruane**  
**Aire Oideachas**



## Curaclam Athbheithnithe

Tá curaclam athbheithnithe scoile á thabhairt isteach, ag clúdach na seacht mbliana de bhunscolaíocht (Blianta 1 go 7) agus na céad chúig bliana den iarbhunscolaíocht (Blianta 8 go 12) mar a leanas:

Bliain Acadúil	Curaclam Athbheithnithe ann do Bhliainghrúpaí
2007/08	BI 1,5,8,11
2008/09	BI 2,6,9,12
2009/10	BI 3,4,7,10

Faoi Mheitheamh 2012 beidh ar a laghad trí bliana de chur i ngníomh do gach bliainghrúpa ag scoileanna.

### Cad chuige cuarclam athbheithnithe? Cad iad na buntáistí do mo pháiste?

Cónaíonn muid anois i ré úr atá ag athrú agus caithfidh an curaclam scoile bheith in oiriúint dóibh. is fearr a ullmhóidh an curaclam athbheithnithe páistí do shaol agus d'obair an 21ú chéad, an t-oidéachas

agus na scileanna a bheidh de dhíth orthu á gcur ar fáil ann.

Tá roinnt rudaí nach mbeidh ag athrú. Tá na gnéithe atá clúdaithe ag an churaclam athbheithnithe a bheag nó a mhór mar an gcéanna leo siúd a bhí clúdaithe sa churaclam roimhe. Beidh forbairt faisnéise agus tuisceana do pháiste go fóill ina tosaíocht. Agus beidh fócas láidir ar léitheoireacht, ar scríbhneoireacht agus ar mhatamatic, a bheidh i gcoilár dhul chun chun do pháiste in oideachas agus sa saol mór amach anseo.

Is é an rud atá ag athrú, murab ionann agus an curaclam roimhe, ná nach bhfuil an t-ábhar do gach gné leagtha amach le mórshonraí. Anois is mó béim atá ar fhorbairt na scileanna atá de dhíth ar do pháiste – is é sin, na rudaí a thig leo a dhéanamh, ní amháin na rudaí atá ar eolas acu agus a thuigeann siad.

As siocair nach bhfuil muid ag leagan amach ábhar an churaclaim leis an líon céanna sonraí, beidh níos mó solúbthachta ag scoileanna / múinteoirí leis an dóigh a dtugann siad

an curaclam chun riachtanais páistí a chomhlíonadh.

Beidh múinteoirí, agus iad ag cloí leis an churaclam athbhreithnithe, go fóill ag díriú ar chuidiú le dul chun cinn do pháiste i ngach gné den churaclam agus tacóidh siad le forbairt scileanna do pháiste. San áireamh leis seo tá na scileanna atá fostóirí ag iarraidh, macasamhail na scileanna riachtanacha i léitheoireacht, scríbhneoireacht agus mata, scileanna i TFC (Teicneolaíocht Faisnéise agus Cumarsáide), cumas maith cumarsáide, obair le daoine eile agus fadhbanna a réiteach.

Is fearr a ullmhóidh seo uile do pháiste do shaol agus d'obair i ndomhan atá ag athrú.

Tá gach páiste i dteideal oideachais leathan chothromaithe, a gheobhaidh siad tríd an churaclam athbhreithnithe. Do pháistí a bhfuil deacrachtaí foghlama acu, oibreoidh múinteoirí libh mar thuistí chun riachtanais páistí a aithint agus chun tabhairt fúthu. Má tá riachtanais speisialta ag do pháiste, mar gheall ar dheacracht fhoghlama, cuirfidh an scoil plean aonarach

oideachais in áit. Má tá na riachtanais speisialta oideachais iontach suntasach, is féidir go gcuardóidh an scoil comhairle, tacaíocht nó measúnú ón Bhord áitiúil Oideachais agus Leabharlainne.

## Cad iad na gnéithe a bheidh sa churaclam athbhreithnithe?

Mar aon le Teagasc Reiligiúin, tá na gnéithe seo a leanas clúdaithe ag an churaclam athbhreithnithe:

<b>Iarbhunscóil</b>
Teanga & Litearthacht
Matamaitic & Uimhearthacht
Na hEalaíona (Ealaín & Dearadh, Dráma agus Ceol)
Timpeallacht & Sochaí (Tíreolaíocht, Stair)
Eolaíocht & Teicneolaíocht
Ag Foghlaim don Saol agus d'Obair (Forbairt Phearsanta, Saoránacht, Fostúchas. Eacnamaíocht Bhaile fosta i mBlianta 8 go 10)
Corpoideachas
Teangacha Nua-Aimseartha

Athróidh mionábhar an churaclaim athbhreithnithe agus do pháiste ag dul chun cinn ó Eochairchéim



amháin go dtí ceann eile. Is iad seo na hEochairchéimeanna:

Eochairchéim 3	Blianta 8, 9 agus 10 in iarbhunscoil
Eochairchéim 4	Blianta 11 agus 12 in iarbhunscoil

Is iad seo na blianta iarbhunscoile a chaithfidh do pháiste bheith ar scoil. I nidiaidh Eochairchéim 4 b'fhéidir go rachaidh siad isteach sa séú bliain i scoil nó go coláiste breisoideachais, nó traenáil a fháil nó post.

## An Chreatlach Theidlíochta

Chomh maith leis an churaclam athbheithnithe, tabharfar isteach An

Chreatlach Theidlíochta in 2013 do dhaltáí ag aois 14 agus os a chionn. Nuair atá do pháiste ag roghnú a scrúduithe GCSE, A-Leibhéal nó cúrsaí eile ag an leibhéal céanna, beidh a scoil ábalta réimse is leithne de chúrsaí a chur ar fáil chun a gcuid riachtanas a bhaint amach.

Is é an spriocdháta do chur i ngníomh iomlán den Chreatlach Theidlíochta ná Meán Fómhair 2013 agus faoin am seo ófráilíodh scoileanna íosmhéid cúrsaí ( spriocanna reatha – 24 cúrsa ag Eochairchéim 4 agus 27 cúrsa iar-16). Beidh ar gach scoil cúrsaí ginearálta agus feidhmeacha a ófráil. Is féidir go mbeidh cúrsaí ginearálta níos acadúla ná cúrsaí feidhmeacha. Cé go bhfuil na cúrsaí seo difriúil sa dóigh a ndéantar iad a mheas caithfidh siad bheith



ag an leibhéal céanna – a bheag nó a mhór coibhéiseach le GCSE ag Eochairchéim 4 agus GCE ag iar-16.

Beidh cuid scoileanna ábalta réimse leathan cúrsaí a sholáthar, ach do roinnt mhaith acu daingneofar rochtain ar an Chreatlach Iomlán Theidliochta trí chomhoibriú le scoileanna eile, coláistí breisoideachais agus / nó eagraíochtaí traenála. Tá cuid mhaith scoileanna ag obair lena chéile cheana agus leis na coláistí breisoideachais i bPobail Fhoghlama chun réimse cúrsaí ar tairiscint dá ndaltaí a mhéadú. Déanfaidh pleanáil le chéile ar an bhealach seo cinnte, gur cibé spéiseanna agus buanna atá ag do pháiste gur chóir go mbeadh réimse níos cuí de chúrsaí ar fáil atá nasctha isteach le bealaí gairme amach anseo. Gheobhaidh do pháiste comhairle agus

treoir ardchaighdeán chun cuidiu leo a roghanna a dhéanamh.

## Measúnú Dhul Chun Cinn do Pháiste

Déanfaidh múinteoir ranga nó ábhair measúnú go fóill ar do pháiste chun a fháil amach cad é mar atá ag éirí leo ar scoil. Cuidíonn seo le múinteoirí an dul chun cinn atá déanta ag do pháiste a fheiceáil, cad é atá furasta agus cad é atá deacair do do pháiste san áireamh. Tugann seo eolas a thig le scoileanna a thuirisciú duit. Cuidíonn sé fosta le múinteoirí an dóigh a phleanáil chun cuidiú le do pháiste dul chun cinn is mó a dhéanamh. Tugann sé eolas chun cuidiú le páistí níos sine roghanna a dhéanamh faoi na cúrsaí scrúduithe a dhéanfaidh siad agus na cáilíochtaí agus na gairmeacha atá siad á gcuardach.

Déanfaidh múinteoirí measúnú go fóill ar do pháiste i ngach gné dhifriúil den churaclam. Déanfar seo chun a fháil amach cén eolas agus tuiscint a fuair do pháiste le linn na scoilbhliana. Tig le múinteoirí bealaí difriúla chun páistí a mheas agus thiofadh leo cineálacha difriúla measúnaithe a

úsáid chun cuidiú leo an áit a bhfuil do pháiste ag sa scoilbhliain in amanna difriúla.

Faoi láthair, sna príomhghnéithe den Teanga & Litearthacht agus Matamaitic & Uimhearthacht, tig le múinteoirí measúnuithe a dhéanamh chun an dul chun atá déanta ag do pháiste a mheaitseáil in éadan leibhéil ar leith. (Ag deireadh Eochairchéimeanna 1,2 agus 3 tá muid ag súil le páistí bheith ábalta leibhéil ar leith a bhaint amach.)

Beidh muid ag déanamh roinnt athruithe le socrúithe measúnachta chomh luath agus atá an curaclam athbheithnithe in áit do gach páiste i mBlianta 1 go dtí 12. Tá seo ann chun an fócas sa churaclam ar scileanna riachtanacha, mar shampla cumarsáid agus úsáid Mhatamaitice, a léiriú. Beidh measúnú ann in éadan na leibhéal a bhaineann leis na scileanna seo. Tabharfaidh seo le fios duit an dul chun cinn atá do pháiste ag déanamh agus má bhain siad amach an leibhéal ceart cuí dá n-aois mar shampla léitheoireacht, scríbhneoireacht agus mata. Gheobhaidh tú níos mó eolais faoi na leibhéil seo sula mbainfear

úsáid astu chun do pháiste a mheas. Déanfar measúnú go fóill ar pháistí i ngaelscoileanna nó in aonaid trí mheán na Gaeilge.

Sna blianta 12, 13 agus 14, déanfaidh an chuid is mó de pháistí scrúduithe GCSE, AS agus A-Leibhéal nó scrúduithe poiblí eile.

## Ag Tuairisciú Duit ar Dhul Chun Cinn Do Pháiste

Gheobhaidh tú tuairisc bhliantúil go fóill ag deireadh gach scoilbhliana. Léireoidh seo an dul chun cinn atá á dhéanamh ag do pháiste sna gnéithe éagsúla den churaclam, ag forbairt scileanna sa chumarsáid agus ag úsáid matamaitice san áireamh.

Thar an chéad dá bhliain eile atá romhainn tabharfar isteach formáid níos caighdeánaí don tuairisc bhliantúil. Cuirtear próifíl páiste air seo in amanna. Ciallaíonn sé seo gur cuma cén scoil a dtéann do pháiste chuici, beidh an leagan amach comhchosúil ar an tuairisc. Ó Mheitheamh 2009 gheobhaidh tú a leithéid de thuairisc má tá do pháiste i mBlianta 8 agus 9. Ó Mheitheamh 2010 gheobhaidh tuistí na bpáistí uile i mBlianta 8 go

12 tuairisc bhliantúil i bhformáid chaighdeánach.

## Tacaíocht do Scoileanna agus Mhúinteoirí

Tá múinteoirí á dtraenáil, agus tá ábhair mhúinteoireachta agus tacaíochta á soláthar chun cuidiú le scoileanna bheith ag dul don churaclam athbhreithnithe agus measúnú agus socruithe tuairiscithe a chur in áit. Mar aon leis seo, tá maoiniú sa bhreis á fháil ag bunscoileanna le haghaidh cúntóirí ranga agus ábhar chun cuidiú leo na riachtanais ar leith san churaclam do pháistí i mBliain 1 agus 2 a chomhlíonadh.

## Cad é eile atá ag tarlú?

Tá molta ag an Aire Oideachais, Caitríona Ruane, faoin dóigh ar chóir do pháistí aistriú ó bhunscoil go hiarbhunscoil ó 2009/10 ar aghaidh. Ní chuirfidh na socruithe aistrithe isteach go diúltach ar an churaclam athbhreithnithe agus ní bheidh múinteoirí ag teagasc le haghaidh scrúdaithe. Is tosaíocht í seo don Aire

agus gheobhaidh tú eolas air seo ón Roinn in am d'aistriú 2010. Beidh gach scoil go fóill ag dul don churaclam athbhreithnithe agus na socruithe measúnaithe agus tuairiscithe.

## Cá háit a dtig liom tuilleadh eolais a fháil?

Gheobhaidh tú eolas faoi na hathruithe mar a dtéann siad i bhfeidhm ar do pháiste. Chomh maith leis seo tig leat tuilleadh eolais a fháil ó shuíomh gréasáin na Roinne Oideachais: [www.deni.gov.uk](http://www.deni.gov.uk). Dá mba mhaith leat níos mó sonraí a fháil faoin churaclam athbhreithnithe, faoi na socruithe measúnaithe agus tuairiscithe, tig leat cuairt a thabhairt ar shuíomh gréasáin an chuarclaim athbhreithnithe ag: [www.nicurriculum.org.uk](http://www.nicurriculum.org.uk).

An Roinn Oideachais  
Meán Fómhair 2008